

Khoto yi a hlula ehenhla ka nxaniso wa sisiteme ya le khoto hi muhakelaxibalo

Tshwane, 23 Ndzati 2021 – Vukorhokeri bya Xibalo bya Afrika-Dzonga (SARS) byi amukela xiavanyiso xo yima na SARS eka nsengo wo siringa ehenhla ka Ttn Gary van der Merwe na van'wana eKhotokulu ya Cape Town.

I ro sungula eka matimu ma SARS leswaku nhlango wu tisa nsengo wo siringa ku kaneta mukhuva wo onha wa muhakelaxibalo lowu kongomisiweke eka ku hlwerisa mafambiselo ma xinawu.

Ekunguleni vhiki leri, khoto yi kumile leswaku xendlo xa xinawu hi Ttn van der Merwe na van'wana "va kombisile nxungeto lowukulu" wa nkumbeko lowu nga riki kahle eka sisiteme ya khoto na vulawuri bya vululami no fikelerisa eka nxaniso wa phurosese ya le khoto.

Hi ku ya hi xiavanyiso, xendlo xa van der Merwe a ku ri xikombiso xa xiyimo xa le henhla xa muhakelaxibalo loyi a xanisaka sisiteme ya le khoto no endla swendlo swo pfumala tshaku swa vukungundzwana, vuxisi na nkarhato ehenhla ka SARS.

Switandhaku swa xiavanyiso lexi i leswaku Ttn van der Merwe a nge koti ku tumbuluxa mafambiselo ma xinawu ehenhla ka munhu un'wana na un'wana (ku katsa na SARS) handle ko kuma vulawuri bya khoto ku sungula. Xileriso xi tirha eka Ttn van der Merwe eka xiyimo xa yena n'wini na le ka xiyimo xa yena tanihi mulawulathirasiti kumbe mulawuri wa khamphani yin'wana na yin'wana na le ka valawulatithirasiti va Eagles Trust.

Khomixinara wa SARS Edward Kieswetter u vurile leswaku xendlo xa xinawu hi Ttn van der Merwe na van'wana eka ku tlula khume wa malembe a ku ri ku kanganyisa nhlango eku hetisiseni ka xileriso xa xona xa xinawu no pfilunganisa tshalatshala rin'wana na rin'wana ro tisa makumu eka timhaka ehenhla ka yena.

"SARS yi ta tshama yi nyika ntiyiso na nhlamuselo eka vahakelaxibalo ku fikelela swiboho swa vona. Laha nkwetlembetano wu sungulaka kona, SARS yi na tisisiteme to lulamisa timhaka hi

ndlela ya kahle handle ko hlawula nsengo. Leswi a swi yimisi vahakelaxibalo eku tirhiseni ka mfanelo ya vona ku kuma vevukiso ku suka etikhoto, loko va nga enerisiwangi hi mimbuyelo. Hambiswiritano, vahakelaxibalo lava tirhisaka tikhoto ku hlwerisa no pfilunganisa nhlengeleto wa swibalo va ta kanetiwa hi matimba."

Khomixinara u humeserile ehandle ntshembo wa leswaku xiavanyiso xi ta alela van'wana ku sungula nsengo wo siringa no tlanga ehenhla ka SARS ku yi yimisa ku endla bindzuxidzi ra yona, leswi ku nga ku hlengeleta swibalo hinkwaswo leswi kolotiwaka ku kota ku pfuna Mfumo ku aka mfumo lowu rhangisaka nhluvukiso wa vanhu na ikhonomi swa tiko ra hina na mahanyelo ma khale eka vaaki hinkwavo va Afrika-Dzonga.

Mayelana na vuxokoxoko byo tala u komberiwa ku tihlanganisa na SARSMedia@sars.gov.za